

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 106. sjednici održanoj dana 15.08.2017. godine, d o n o s i

## **ZAKLJUČAK**

### **I.**

Usvaja se Izveštaj o namjenskoj potrošnji sredstava, odnosno izvršenju budžeta Ministarstva za rad, socijalnu politiku i izbjeglice za prvo polugodište 2017. godine.

### **II.**

Zaključak stupa na snagu danom donošenja.

Broj: 02-\_\_\_\_\_/17  
Datum, 15.08.2017. godine  
Z e n i c a

**PREMIJER**

***Miralem Galijašević***

DOSTAVLJENO:

1x Ministarstvo za rad, socijalnu politiku i izbjeglice,  
1x Ministarstvo finansija,  
1x a/a.



## IZVJEŠTAJ O NAMJENSKOJ POTROŠNJI SREDSTAVA, ODNOSNO IZVRŠENJU BUDŽETA U MINISTARSTVU ZA PRVO POLUGODIŠTE 2017. GODINE

U skladu sa Programom utroška sredstava planiranih Budžetom Zeničko-dobojskog kantona za 2017. godinu u Ministarstvu za rad, socijalnu politiku i izbjeglice, broj: 02-14-2480/17 od 23.02.2017. godine, na pozicijama “Tekući transferi pojedincima” - ekonomski kod 614200 i “Tekući transferi neprofitnim organizacijama” - ekonomski kod 614300 planirana su sredstva u iznosu od 25.846.821,14 KM.

Pregled izvršenja Budžeta u Ministarstvu za rad, socijalnu politiku i izbjeglice, za period I-VI 2017. godine, u dijelu koji se odnosi na pozicije: “Tekući transferi pojedincima” i “Tekući transfer neprofitnim organizacijama” dat je u Tabeli br. 1.

**Tabela br.1.**

| <b>Ekonomski kod i subanalitika</b> | <b>Naziv pozicije budžeta</b>                                             | <b>Budžet za 2017. god.</b> | <b>Izvršenje Budžeta jan - juni 2017.</b> | <b>%</b>     |
|-------------------------------------|---------------------------------------------------------------------------|-----------------------------|-------------------------------------------|--------------|
| 1                                   | 2                                                                         | 3                           | 4                                         | 5            |
| <b>614200</b>                       | <b>I Transfer pojedincima</b>                                             | <b>25.666.521,14</b>        | <b>12.788.858,60</b>                      | <b>49,83</b> |
| KAD 201                             | Izdaci za raseljena lica                                                  | 88.551,00                   | 41.190,36                                 | 46,52        |
| KAD 202                             | Sredstva za podsticaj povratka izbjeglih i raseljenih lica                | 315.000,00                  | 4.528,61                                  | 1,44         |
| KAD 203                             | Civilne žrtve rata                                                        | 3.135.489,84                | 1.547.903,98                              | 49,37        |
| KAD 204                             | Smještaj u drugu porodicu                                                 | 205.484,00                  | 112.094,15                                | 54,55        |
| KAD 205                             | Naknada za porodijsko odsustvo                                            | 8.000.000,00                | 4.764.859,96                              | 59,56        |
| KAD 206                             | Zdravstvena zaštita neosiguranih lica                                     | 135.000,00                  | 0,00                                      | 0,00         |
| KAD 207                             | Ostali socijalni transferi                                                | 1.877.854,30                | 375.514,31                                | 20,00        |
| KAD 208                             | Transferi za alternativni smještaj                                        | 77.400,00                   | 39.060,00                                 | 50,47        |
| KAD 209                             | Transfer za osobe sa invaliditetom                                        | 200.000,00                  | 22.753,69                                 | 11,38        |
| KAD 211                             | Novčana pomoć za nezaposlene porodilje                                    | 122.472,00                  | 53.785,50                                 | 43,92        |
| KAD 213                             | Smještaj u ustanove socijalne zaštite                                     | 5.000.000,00                | 2.787.061,49                              | 55,74        |
| KAD 215                             | Stalna novčana pomoć                                                      | 1.150.000,00                | 629.728,01                                | 54,76        |
| KAD 216                             | Osposobljavanje za život i rad                                            | 95.057,00                   | 55.699,99                                 | 58,60        |
| KAD 217                             | Dodatak na djecu                                                          | 4.000.000,00                | 1.932.441,93                              | 48,31        |
| KAD 218                             | Jednokratna pomoć za opremu novorođenog djeteta                           | 87.667,00                   | 39.800,40                                 | 45,40        |
| KAD 219                             | Pomoć u prehrani djeteta do 6. mjeseci i dodatna ishrana za majke dojilje | 351.546,00                  | 177.011,80                                | 50,35        |
| KAD 220                             | Transfer JU Službi za zapošljavanje ZDK                                   | 690.000,00                  | 205.424,42                                | 29,77        |
|                                     | Poticaji zapošljavanja mladih                                             | 135.000,00                  | 0,00                                      | 0,00         |
| <b>614300</b>                       | <b>II Transfer neprofitnim organizacijama</b>                             | <b>180.300,00</b>           | <b>0,00</b>                               | <b>0,00</b>  |
| KAX 002                             | Transferi udruženjima                                                     | 70.300,00                   | 0,00                                      | 0,00         |
|                                     | Tekući transfer za Crveni križ                                            | 10.000,00                   | 0,00                                      | 0,00         |
| KAX 003                             | Transferi iz prihoda za Dječiju nedjelju                                  | 100.000,00                  | 0,00                                      | 0,00         |
|                                     | <b>UKUPNO: I+II</b>                                                       | <b>25.846.821,14</b>        | <b>12.788.858,60</b>                      | <b>49,48</b> |

### 1. Izdaci za raseljena lica – KAD 201

Budžetom za 2017. godinu planirana su sredstva u iznosu od 88.551 KM za podmirenje osnovnih potreba raseljenih lica. Sa ovim sredstvima Ministarstvo je izvršavalo zakonske obaveze plaćanja sljedećih obaveza: potrošnje električne energije, grijanja, komunalne usluge, održavanja objekata, sahrana, kao i druge potrebe od značaja za ukupno zbrinjavanje raseljenih lica i izbjeglica koje su smještene u objektima za smještaj raseljenih osoba koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici).

U izvještajnom periodu januar – juni 2017. godine sa ove pozicije utrošena su sredstva u iznosu od 41.190,36 KM.

Sredstva su utrošena prema sljedećoj tabeli:

|            |                        |              |
|------------|------------------------|--------------|
| 1.         | Električna energija    | 6.339,58 KM  |
| 2.         | Toplotna energija      | 9.791,64 KM  |
| 3.         | Vodovod i kanalizacija | 1.273,90 KM  |
| 4.         | Odvoz smeća            | 1030,02 KM   |
| 5.         | Održavanje objekata    | 1.123,20 KM  |
| 6.         | Jednokratne pomoći     | 4.132,00 KM  |
| UKUPNO KM: |                        | 41.190,36 KM |

### 2. Sredstva za podsticaj povratka raseljenih lica i izbjeglica – KAD 202

Budžetom za 2017. godinu planirana su sredstva u iznosu od 315.000 KM - ekonomski kod 614200. Ova sredstva su planirana za provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih osoba i održivost povratka.

U izvještajnom periodu januar – juni 2017. godine sa ove pozicije utrošena su sredstva u iznosu od 4.528,61 KM za sufinansiranje obnove stambenih objekata povratničkih porodica sa ciljem stvaranja minimalnih uvjeta za život.

### 3. Civilne žrtve rata – KAD 203

Za isplatu naknada civilnim žrtvama rata u Budžetu Zeničko-dobojskog kantona planirana su sredstva u iznosu 3.135.489,84 KM - ekonomski kod 614200. Finansiranje ovog prava je po modelu - 30% planiranih sredstava je iz Budžeta Zeničko-dobojskog kantona u iznosu od 869.401,00 KM i 70% planiranih sredstava je iz Budžeta Federacije BiH u iznosu od 2.266.088,84 KM.

U izvještajnom periodu januar – juni 2017. godine za ovu namjenu utrošena su sredstva u iznosu od 1.547.903,98 KM, i to iz Budžeta Kantona izdvojeno je 464.371,19 KM, a iz Budžeta Federacije BiH izdvojeno 1.083.532,79 KM. Finansirano je 838 civilnih žrtava rata koje ostvaruju naknade za 1.013 prava, tj. prava na: ličnu invalidninu, pravo na ortopedski dodatak, pravo na dodatak za tuđu njegu i pravo na porodičnu invalidninu.

### 4. Smještaj u drugu porodicu – KAD 204

Budžetom za 2017. godinu planirana su sredstva u iznosu od 205.484,00 KM - ekonomski kod 614200. Na ovaj način obezbijedena je socijalna zaštita, odnosno zbrinjavanje djece i odraslih lica kojima je potrebna stalna briga i pomoć radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način.

Za smještaj u drugu porodicu u izvještajnom periodu januar – juni 2017. godine utrošena su sredstva u iznosu od 112.094,15 KM, za isplatu naknada hraniteljima za 96 djece na smještaju.

## 5. Naknada za porodijsko odsustvo - KAD 205

U Budžetu za 2017. godinu za ovu namjenu planirana su sredstva u iznosu od 8.000.000 KM - ekonomski kod 614200. Ovim sredstvima finansira se naknada plaće ženi majci u radnom odnosu kao i svi doprinosi i porezi u skladu sa Kantonalnim zakonom.

Za ovu namjenu u izvještajnom periodu utrošena su sredstva u iznosu od 4.764.859,96 KM, za isplatu naknada za 1110 porodilja.

## 6. Zdravstvena zaštita neosiguranih lica - KAD 206

Budžetom za 2017. godinu na ovoj poziciji planirana su sredstva u iznosu od 135.000 KM - ekonomski kod 614200.

Za finansiranje zdravstvenog osiguranja u periodu januar – juni 2017. godine nisu utrošena planirana sredstva.

## 7. Ostali socijalni transferi - KAD 207

Budžetom za 2017. godinu planirana su sredstva u iznosu od 1.877.854,30 KM - ekonomski kod 614200. Ova sredstva su namijenjena za provođenje interventnih mjera i aktivnosti socijalno-zaštitnog karaktera u oblastima iz nadležnosti i odgovornosti Ministarstva.

Za ovu namjenu u izvještajnom periodu januar - juni 2017. godine utrošena su sredstva u iznosu od 375.514,31 KM, i to za:

|                                                                                                                                                      |               |
|------------------------------------------------------------------------------------------------------------------------------------------------------|---------------|
| - Pomoć javnim humanitarnim kuhinjama .....                                                                                                          | 120.000,00 KM |
| - Projekat „Sigurna kuća za žene i djecu – žrtve nasilja u porodici i zajednici za područje Zeničko-dobojskog kantona.....                           | 27.360,00 KM  |
| - Udruženje „Romano-centro".....                                                                                                                     | 2.500,00 KM   |
| - Jednokratna pomoć socijalno-intervenirajućeg karaktera Sindikatu metalaca za „Metalno“ d.o.o. Zenica.....                                          | 1.250,00 KM   |
| - Plaćanje troškova medicinskog vještačenja Institutu za medicinsko vještačenje u postupku ostvarivanja prava iz oblasti civilnih žrtava rata.....   | 427,05 KM     |
| - Pomoć za plaćanje troškova stanovanja osobama koje su usljed prirodne nesreće izmještene iz svojih domova u ZDK.....                               | 23.880,00 KM  |
| - Podrška u pokrivanju dijela troškova sahrana/dženaza.....                                                                                          | 11.036,00 KM  |
| - Sufinansiranje realizacije projekta „Saniranje klizišta u Željeznom Polju općina Žepče, zaštitni zid u mjesnoj zajednici Vranduk Grad Zenica“..... | 103.471,63 KM |
| - Naknade za članove Ekonomsko-socijalnog vijeća .....                                                                                               | 7.089,63 KM   |

|                                                                                                                                                                                                                                                                                                                                                                                                  |              |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------|
| - U izvještajnom periodu od strane Ministarstva i Vlade urađeno je ukupno 176 zaključaka, kojima se odobrila jednokratna novčana pomoć socijalno-intervenirajućeg karaktera pojedincima i porodicama za pokrivanje troškova liječenja, ublažavanje teške materijalne situacije, nabavku ortopedskih pomagala i prevazilaženje drugih okolnosti stanja socijalne potrebe u ukupnom iznosu od..... | 59.650,00 KM |
| - Za pomoć udruženjima urađeno je ukupno 6 zaključaka.....                                                                                                                                                                                                                                                                                                                                       | 18.850,00 KM |

#### 8. Transfer za alternativni smještaj – KAD 208

Budžetom za 2017. godinu planirana su sredstva u iznosu od 77.400 KM za plaćanje stanarine raseljenim osobama sa priznatim pravom na privremeni smještaj - ekonomski kod 614200.

U izvještajnom periodu januar - juni 2017. godine utrošeno je 39.060,00 KM, za finansiranje alternativnog smještaja za 54 porodice, odnosno 132 osobe.

#### 9. Transfer za osobe sa invaliditetom – KAD 209

Budžetom za 2016. godinu planirana su sredstva u iznosu od 60.000 KM - ekonomski kod 614200. Ova sredstva su namijenjena za refundaciju troškova pregleda kod Instituta za medicinsko vještačenje za osobe sa invaliditetom u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH, broj: 36/99, 54/04, 39/06, 14/09), kao i za finansiranje aktivnosti iz Strategije za izjednačavanje mogućnosti osoba s invaliditetom.

U toku izvještajnog perioda za refundaciju troškova pregleda za osobe sa invaliditetom utrošena su sredstva u iznosu od 22.753,69 KM za 206 korisnika.

#### 10. Novčana pomoć za nezaposlene porodilje – KAD 211

Budžetom za 2017. godinu planirana su sredstva u iznosu od 122.472 KM - ekonomski kod 614200. Ovim sredstvima finansira se jednokratna novčana pomoć ženi majci koja nije u radnom odnosu, po svakom novorođenčetu.

U izvještajnom periodu januar - juni 2017. godine za ovu namjenu utrošena su sredstva u iznosu od 53.785,50 KM, za isplatu naknada za 361 nezaposlenu porodilju.

#### 11. Smještaj u ustanove socijalne zaštite - KAD 213

U Budžetu za 2017. godinu za ovu namjenu planirana su sredstva u iznosu od 5.000.000 KM - ekonomski kod 614200. Iz ovih sredstava finansiraju se troškovi smještaja, odnosno razlika do punog iznosa cijene smještaja u ustanovama socijalne zaštite za djecu i odrasla lica kojima je potrebna stalna briga i pomoć u zadovoljavanju životnih potreba, a ne mogu ih ostvariti u vlastitoj porodici ili drugoj porodici, kao što su: djeca bez roditeljskog staranja, djeca sa poremećajima u ponašanju, lica sa narušenim mentalnim i duševnim zdravljem, druga lica sa posebnim potrebama i stara lica bez porodičnog staranja.

U izvještajnom periodu januar - juni 2017. godine, utrošena su sredstva u iznosu od 2.787.061,49 KM, za troškove smještaja 773 štićenika u ustanovama socijalne zaštite.

## 12. Stalna novčana pomoć - KAD 215

Budžetom za 2017. godinu su planirana sredstva u iznosu od 1.150.000.000 KM - ekonomski kod 614200. Iz ovih sredstava finansira se stalna novčana pomoć koju lica mogu ostvariti u skladu sa Kantonalnim zakonom. Za ovo pravo 60% sredstava se finansira iz Budžeta Kantona, a 40% iz Budžeta općina.

U izvještajnom periodu januar - juni 2017. godine iz Budžeta Zeničko-dobojskog kantona za stalne novčane pomoći izdvojeno je 629,728,01 KM, za 1.342 korisnika ovog prava.

## 13. Osposobljavanje za život i rad - KAD 216

Budžetom za 2017. godinu planirana su sredstva u iznosu od 95.057,00 KM - ekonomski kod 614200. Finansiranjem ovog prava obezbjeđuje se rehabilitacija, obrazovanje i osposobljavanje za život slijepe i slabovidne djece, gluhe i gluhoonijeme djece i djece ometene u psihofizičkom razvoju.

U izvještajnom periodu januar - juni 2017. godine, utrošena su sredstva u iznosu od 55.699,99 KM za 28 korisnika.

## 14. Dodatak na djecu - KAD 217

Za isplatu dječijeg dodatka u Budžetu Zeničko-dobojskog kantona planirana su sredstva u iznosu 4.000.000 KM - ekonomski kod 614200. Pravo na dječiji dodatak pripada porodici sa djecom koja se neposredno brine o djetetu ili djeci, u skladu i na način kako je to propisano u Kantonalnom zakonu.

U izvještajnom periodu januar - juni 2017. godine za dječiji dodatak utrošena su sredstva u iznosu od je 1.932.441,93 KM, za 10.760 korisnika, odnosno za 19.675 djece koja ostvaruju dječiji dodatak.

## 15. Jednokratna pomoć za opremu novorođenog djeteta – KAD 218

Budžetom su planirana sredstva u iznosu od 87.667,00 KM - ekonomski kod 614200. Ovim sredstvima finansira se jednokratna pomoć za opremu novorođenog djeteta za majke porodilje koje nisu u radnom odnosu.

U izvještajnom periodu januar - juni 2017. godine, za ovu namjenu utrošena su sredstva u iznosu od 39.800,40 KM, za 361 korisnica ovog prava.

## 16. Pomoć u prehrani djeteta do 6 mjeseci i dodatna ishrana majkama dojiljama - KAD 219

Budžetom za 2017. godinu planirana su sredstva u iznosu od 351.546,00 KM - ekonomski kod 614200.

U izvještajnom periodu januar - juni 2017. godine, za ovu namjenu utrošena su sredstva u iznosu od 177.011,80 KM, za 424 korisnice ovog prava.

## 17. Transfer JU Službi za zapošljavanje ZDK za podsticaj aktivnih mjera zapošljavanja - KAD 220

Budžetom za 2017. godinu ukupno su planirana sredstva u iznosu od 690.000 KM - ekonomski kod 614200. Ova sredstva su namijenjena za:

- realizaciju Programa sufinansiranja zapošljavanja VSS, SSS i KV mladih osoba bez radnog iskustva u 2016/2017. godini u iznosu 607.943 KM i

- sufinansiranje projekata prekvalifikacije i dokvalifikacije i stručnog osposobljavanja, kao i za poticaje samozapošljavanju u iznosu 82.057 KM.

U izvještajnom periodu januar - juni 2017. godine, sa transfera Služba za zapošljavanje ZDK, utrošena su sredstva u iznosu od 205.424 KM, i to za Program sufinansiranja zapošljavanja VSS, SSS i

KV mladih nezaposlenih osoba bez radnog iskustva i to 100 VSS i 100 SSS/KV pripravnika u 2016/2017. godini.

#### 18. Poticaj zapošljavanja mladih

Budžetom za 2017. godinu planirana su sredstva u iznosu od 135.000 KM - ekonomski kod 614200. Ova sredstva su namijenjena za sufinansiranje projekata zapošljavanja i samozapošljavanja sa drugim nivoima vlasti – poticaj zapošljavanja mladih.

U izvještajnom periodu januar - juni 2017. godine sa transfera „Poticaj zapošljavanja mladih“ nisu utrošena sredstva

#### 19. Tekući transfer udruženjima - KAX 002

Budžetom za 2017. godinu planirana su sredstva u iznosu od 80.300 KM - ekonomski kod 614300.

U izvještajnom periodu januar - juni 2017. godine, sa ovog transfera nisu utrošena sredstva. Na osnovu člana 32. Zakona o izvršavanju Budžeta Zeničko-dobojskog kantona za 2017. godinu (“Službene novine Zeničko-dobojskog kantona”, broj: 15/16) utrošak sredstava na ovom transferu vršit će se nakon objavljivanja Javnog poziva.

#### Tekući transfer za Crveni križ

Budžetom za 2017. godinu na ovom podtransferu planirana su sredstva u iznosu od 10.000 KM, za provođenje programskih aktivnosti Crvenog križa Zeničko-dobojskog kantona.

U izvještajnom periodu nisu utrošena predviđena sredstva.

#### 20. Tekući transfer iz prihoda za obilježavanje “Dječije nedjelje” – KAX 003

Budžetom za 2017. godinu planirana su sredstva u iznosu od 100.000 KM - ekonomski kod 614300.

U izvještajnom periodu januar - juni 2017. godine, sa ovog transfera nisu utrošena sredstva. Na osnovu člana 32. Zakona o izvršavanju Budžeta Zeničko-dobojskog kantona za 2017. godinu (“Službene novine Zeničko-dobojskog kantona”, broj: 15/16) utrošak sredstava na ovom transferu vršit će se nakon objavljivanja Javnog poziva.

.....

Izvršenje Budžeta Zeničko-dobojskog kantona za period januar - juni 2017. godine, ukupno posmatrano za pozicije: „Tekući transferi pojedincima“ i „Tekući transferi neprofitnim organizacijama“, iznosilo je 12.788.858,60 KM, odnosno u procentu 48,98 % u odnosu na ukupno planirana sredstva Budžetom za 2017. godinu na navedenim pozicijama.

Navedena sredstva utrošena su za planirane namjene, a u skladu sa Programom utroška sredstava planiranih Budžetom Zeničko-dobojskog kantona za 2017. godinu u Ministarstvu za rad, socijalnu politiku i izbjeglice, broj: 02-14-2480/17 od 23.02.2017. godine.

S poštovanjem,

Zenica, avgust 2017. godine

**MINISTAR**

---

**Nurdehan Šahinović**